

Situazione di scrochju

Rivista di stampa influì à nant'à l'inundazione in Corsica.



Ajaccio piégée par les eaux



Une ville sinistrée

Duc 1 - Corse-Matin di u 31 di maghju 2008.



Duc 2 - Corse matin di u 23 dicembre 2019.



Duc 3 - U campu d'aviazione d'Ajacciu sott'à l'acqua u 22 di dicembre 2019.

Un'è poche di filmetti d'inundazione in Corsica :

- Ajacciu u 30 di maghju 2008 <https://www.youtube.com/watch?v=e0HeU3qUJyE>
- Inundazione in Corsica u 17 d'ottobre 2018 https://www.youtube.com/watch?v=I-HVvE_aHmg

Cunsegne

- À parte si da i documenti pruposti, spieca cum'èlle succedanu l'inundazione è chì suluzione hà l'Omu da limità ne i risichi.
- À parte si da u materiale datu ti, pruponi sperienze da fà vede cum'elli ponu influì l'inundazione certi parametri (natura di a terra, vulumu di e piovite).

Scopi pidagogichi

In fin di ciculu s'aspetta :

- situà a Terra in u sistema sulare è caratterizà e cundizione di a vita terrestre.

Cumpetenze travagliate :

- praticà linguaghji ;
- cumpurtà si di modu èticu è rispunsivule ;
- praticà dimarchje scentifiche.




Materiale




Documenti da sfruttà

> MATERIALE

- Imbuti
- Filtri
- Terra rossa
- Terra ortulana
- Cuntendori
- Buttiglie d'acqua
- Bichjeri misuraghjoli



Documentu 4a : inundazione in Aiacciu di u 21 di dicembre 2019.



Documentu 4b : inundazione in Aiacciu di maghju 2008.

- **Ducumentu 5** : a prutezzione di e zone inundabile in Aiacciu.

Per via ch'elli patianu l'inundazione certi quartieri (I Canni, I Salini, I Paduli), hà sviluppatu a Città d'Aiacciu un P.A.P.I (Prugramma d'Azzione è di Prevenzione di l'Inundazione), da prutege sti lochi è a ghjente chì ci stà.

Ricurdemu ci chì, fin'à u 19^{mu} seculu, era un padulone sta zona, cù miraculi di zinzale è di canne, è ch'ellu si ghjunghjia à caccighjà l'anatre. Da risanà sti lochi, anu decisu d'assiccà li. Toccu u 1950, principianu e prime custruzzione, è longu l'anni sò tocche parechje volte da l'inundazione. Hè cusì chì a Città d'Aiacciu hà iniziatu assai travagli. In u 2009, facenu un primu pozzu di raccolta di l'acqua à nant'à u guadellu di a Madunnuccia, chì permette di racoglie fin'à 15 000 m³ d'acqua quand'ellu piove forte. Di più, u pozzu hè dinù un parcu paisaghjaghju apertu à u publicu, cù stese erbose è arburi da imbellisce i lochi. In u 2014 sò fatti parechji caccianili in i quartieri di i Canni è di i Salini. Sò canaloni chì permettenu di racoglie l'acqua piovana è di purtà la fin'à u mare. Seranu fatti altri pozzi di raccolta, cum'è in Alzu di Leva o à i Paduli, di modu ch'ellu sia più debbule u risicu d'inundazione.



Ducumentu 5a : u pozzu di raccolta di l'acqua di a Madunnuccia.

Ducumentu 5b : i caccianili di i Canni si lampanu in mare.



> AIUTU DA A DIMARCHJA DI RISULUZIONE

- Fiscia da aiutà «leghje un grafficu».
 - In quant'à l'attività pratica, dà i schema da facilità a rializzazione di u prutucollu.
-
- Prupone una sperienza da fà vede ch'elle dipendenu di u terrenu l'inundazione (i zitelli cercanu u prutucollu).
 - Prupone una sperienza da fà vede ch'elle dipendenu di u vulumu di e piuvite l'inundazione.
 - Rializà una manipolazione da capisce ch'ellu hè di primura u terrenu à pett'à l'inundazione (i sculari mettenu u prutucollu in pratica).

> ATTIVITÀ PRATICA

Pruvà l'effetti di e piuvite à nant'à a terra :

- lampà listessu volumu d'acqua à nant'à duie terre sfarente ;
- lampà dui volumi d'acqua sfarenti à nant'à listessa terra ;
- lampà dui volumi d'acqua à nant'à duie terre listesse ma cù una vitezza sfarente (forte o pianarellu).

> AIUTU DA A DIMARCHJA DI RISULUZIONE

- Fiscia d'aiutu «Leghje un grafficu».
- Aiutu da a manipolazione.

Riproduce i muntami quì sottu :

- una sperienza d'innacquera di duie terre sfarente cù a listessa quantità di l'acqua.

Sparimintazioni

Cundizione : ciò chì omu face

*Si lampa listessa quantità d'acqua
nant'à a terra rossa è a terra ortulana.*



Terra rossa



Terra urtulana

Risultati : ciò chì omu vede

Cù a terra rossa, l'acqua stà à gallu.
Cù a terra urtulana, l'acqua s'infiltra
è fala in fondu di a buttiglia.

> AIUTU DA A DIMARCHJA DI RISULUZIONE

Riproduce i muntami quì sottu :

- una sperienza d'innacquera di una terra cù una quantità d'acqua sfarente :

Sparimintazioni

Cundizione : ciò chì omu face


*Si lampa 1 bichjer d'acqua
nant'à a terra urtulana.*



Terra urtulana

Cundizione : ciò chì omu face

*Si lampa 2 bichjeri d'acqua
nant'à a terra urtulana.*



Terra urtulana

Risultati : ciò chì omu vede

Cù solu un bichjer d'acqua, s'infiltra tutta l'acqua è fala in fondu di a buttiglia.
Cù dui bichjeri, una parte stà à gallu nanzi d'infiltrà si.

> AIUTU DA A DIMARCHJA DI RISULUZIONE

Prutucollu sperimentale 1

Pruvà l'effetti di a natura di a terra :

- mette un filtru è a terra ortulana nentr'à un imbutu ;
- in un sicondu imbutu, mette ci un filtru è terra rossa ;
- pone ogni imbutu à nant'à un cuntenidore ;
- lampà cù delicatezza un bichjerone d'acqua in ogni imbutu ;
- turnà à fà a sperienza cù u doppiu di l'acqua da lampà ;
- turnà à fà a sperienza lampendu forte u bichjerone di l'acqua.


Prutucollu sperimentale 2

Pruvà l'effetti di l'intensità di e piuvite :

- mette un filtru è a terra ortulana nentr'à un imbutu ;
- pone l'imbutu à nant'à un cuntenidore ;
- lampà cù delicatezza un bichjerone d'acqua à nant'à l'imbutu ;
- turnà à fà a sperienza cù u doppiu di l'acqua da lampà ;
- turnà à fà a sperienza lampendu forte u bichjerone di l'acqua.

> DA TENE À MENTE

Pò esse un risicu l'attività sterna di a pianeta (piuvite) per e pupulazione (inundazione).



À l'Omu li tocca dunque à identificà i lochi periculosi da ùn alzà ci custruzione, o à sminuì u risicu cù acconci (es : pozzu di raccolta di l'acqua).

> DUCUMENTI DA ANDÀ PIÙ IN LÀ



https://www.apiazzetta.com/Forse-un-ci-vulia-micca-a-custruisce-custi_a2041.html

https://www.europa.corsica/Bassin-de-retention-a-ALZO-DI-LEVA-dans-le-quartier-des-Cannes-a-Ajaccio_a142.html